

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZA BRANITELJSKA PITANJA**

Na temelju dijela 5. Programa podsticaja zapošljavanja pripadnika braniteljske populacije Zeničko-dobojskog kantona putem zapošljavanja u pravnim licima za 2023. godinu broj: 02-30-5927/23 od 11.04.2023. godine (u daljem tekstu: Program), Služba stručnih, općih poslova i društvenih djelatnosti općine Usora objavljuje

**JAVNI POZIV
za dodjelu podsticaja zapošljavanja pripadnika braniteljske populacije
Zeničko-dobojskog kantona putem zapošljavanja u pravnim licima u 2023.godini**

I. Predmet oglasa

Obavještavaju se branitelji i članovi njihovih obitelji sa prebivalištem na području općine Usora, koji ostvaruju osnovna prava iz braniteljsko-invalidske zaštite u općini Usora i koji su na evidenciji nadležnog organa za vojne evidencije u općini Usora **o mogućnosti podnošenja zahtjeva za dodjelu novčanih sredstava u svrhu podsticaja zapošljavanja.**

Programom podsticaja zapošljavanja povećava se konkurentnost podnositelja zahtjeva, pripadnika braniteljske populacije, na način da isti, aktivno nastupajući na tržištu rada, traže zaposlenje uz bjanko primjerak Ugovora o zapošljavanju kojim će se precizirati obaveze poslodavca, podnositelja zahtjeva, općine i Ministarstva. Predmetnim Ugovorom se Ministarstvo obavezuje obročno isplatiti podsticaj poslodavcu, a poslodavac se obavezuje zaključiti sa korisnikom Ugovor o radu u trajanju od najmanje 24 mjeseca.

II. Pravo sudjelovanja na Javnom pozivu imaju:

1. dobitnik ratnog priznanja i odličja;
2. ratni vojni invalid;
3. razvojačeni branitelj, koji je u Oružanim snagama proveo najmanje 24 mjeseca u periodu od 06.04.1992. do 23.12.1995.godine, osim lica koja su u OS pristupili kao maloljetni ili šest mjeseci po punoljetstvu, a sa minimalno 12 mjeseci provedenih u OS;
4. dijete šehida/razvojačenog branitelja do 35 godina života, dijete umrlog RVI i dijete umrlog nositelja najvećeg ratnog priznanja, do navršene 30 godine života;
5. udovica šehida/poginulog branitelja, korisnica obiteljske invalidnine;
6. udovica ratnog vojnog invalida, korisnica obiteljske invalidnine;
7. dijete umrlog razvojačenog branitelja koji je u Oružanim snagama proveo najmanje 24 mjeseca u periodu od 06.04.1992. do 23.12.1995.godine i koje je sa istim živjelo u zajedničkom domaćinstvu ili ga je isti izdržavao najmanje posljednju godinu dana prije smrti, do navršenih 30 godina života;
8. udovica umrlog razvojačenog branitelja koji je u Oružanim snagama proveo najmanje 24 mjeseca u periodu od 06.04.1992. do 23.12.1995.godine i koja je sa istim živjela u braku najmanje dvije posljednje godine dana prije smrti.

Posebni korisnici

1. razvojačeni branitelj, koji je u Oružanim snagama proveo najmanje 12 mjeseci u periodu od 06.04.1992. do 23.12.1995.godine i
2. dijete razvojačenog branitelja koji je u Oružanim snagama proveo najmanje 24 mjeseca u periodu od 06.04.1992. do 23.12.1995.godine, do navršenih 25 godina života i pod uvjetom da žive u zajedničkom domaćinstvu sa razvojačenim braniteljem.

Predmetna novčana sredstva mogu biti odobrena posebnim korisnicima ako se na iste odnosi jedan od slijedećih slučajeva:

- da opredjeljena novčana sredstva nisu utrošena;
- nedovoljnog broja odobrenih zahtjeva iz određene lokalne zajednice i
- utvrđivanja teških socijalno-ekonomskih prilika u obitelji podnositelja zahtjeva.

III. Potrebna dokumentacija koju prilažu kandidati za dodjelu sredstava (original ili ovjerene kopije ne starije od 3 mjeseca od dana podnošenja zahtjeva):

a) za pripadnike braniteljske populacije:

1. zahtjev za podsticajna novčana sredstva;
2. dokaz o pripadnosti braniteljskoj populaciji: rješenje o osobnoj ili obiteljskoj invalidnini, uvjerenje o provedenom vremenu u oružanim snagama podnositelja zahtjeva, odnosno roditelja ili supružnika ukoliko zahtjev podnosi dijete razvojačenog branitelja ili supružnik umrlog razvojačenog branitelja;
3. dokaz o stručnoj spremi (svjedočanstvo o završenom osnovnom ili srednjem obrazovanju, univerzitetska diploma);
4. uvjerenje o kretanju izdato od nadležnog MUP-a;
5. uvjerenje nadležne Službe za zapošljavanje da se podnositelj zahtjeva nalazi na evidenciji nezaposlenih lica;
6. obrazac JS 3650 (Informacija o uplaćenim doprinosima) izdat od nadležne Poreske uprave;
7. izjava o zajedničkom domaćinstvu (kućna lista)- za aplikante djecu razvojačenih branitelja;
8. Izjava supruge umrlog razvojačenog branitelja da je sa istim živjela u braku najmanje dvije posljednje godine dana prije smrti.

b) Nakon pregleda prijave općinska komisija, koja je utvrdila urednost dokumentacije, poziva podnositelja zahtjeva da preuzime neovjeren Ugovor o zapošljavanju. Podnositelj zahtjeva je dužan, nakon ovjere ugovora od strane poslodavca, isti dostaviti općinskoj službi, uz sljedeću dokumentaciju o poslodavcu:

1. rješenje o registraciji (za privredne subjekte);
2. uvjerenje nadležne Porezne uprave o uplaćenim doprinosima;
3. uvjerenje nadležne Porezne uprave o uplaćenim direktnim porezima;
4. uvjerenje Uprave za indirektno oporezivanje o uplaćenim indirektnim porezima.

IV. Visina sredstva

- za osobe sa NK, KV, SSS, VŠS, 9.600,00 KM po jednom novozaposlenom radniku;
- za osobe sa VSS 10.800,00 KM po jednom novozaposlenom radniku.

V. Postupak odobravanja sredstava

Zahtjev za podsticaj zapošljavanja zainteresirani kandidati podnose na obrascu kojeg propisuje ministar Ministarstva, uz obavezno prilaganje kompletne dokumentacije, kao dokaza o ispunjavanju uvjeta Javnog poziva.

Sve potrebne informacije mogu se dobiti u nadležnoj Službi braniteljsko-invalidske zaštite općine Usora i Ministarstvu.

VI. Prijave na oglas se mogu izvršiti zaključno sa 12.05.2023. godine .

VII. Podnošenje zahtjeva

Obrasce zahtjeva zainteresirani kandidati mogu preuzeti u nadležnoj službi općine Usora.

Podnositelj je dužan svojeručno potpisati zahtjev, kojim potvrđuje da je priložio svu potrebnu dokumentaciju traženu Javnim pozivom (original ili ovjerene kopije ne starije od 3 mjeseca od dana podnošenja zahtjeva).

Zahtjevi sa kompletiranom dokumentacijom dostavljaju se nadležnoj službi općine.

Nepotpuni, neblagovremeni i neuredni zahtjevi neće biti uzeti u razmatranje.

Sve imenice upotrebljene u muškom ili ženskom rodu u ovom Javnom pozivu odnose se oba spola.

Broj: 13/03-2-5-37-5484-2/23

Datum: 14.04.2023.godine.